

# Diddaa Hojii

Namoonni faayidaalee hoji-dhabdummaa fudhatan dirqama hojii mijataadhaf argamuu fi danda'uu qabu. Kuni erga sababa COVID-19 hojiidhan ala taatanii booda hojiitti akka deebitan affeeruu dabalata. Namoonni faayidaalee hoji-dhabdummaa fudhachaa jiran, faayidaalee fudhachuu itti fufuuf, affeerraa hojiitti deebi'uu diduudhaf sababa quubsaa qabaachuu qabu,

Fuulli kuni Gaaffilee fi Deebiwwan qacaramtootaf, akkasumas qajeelfamoota hojii diduu ittiin gabaasan hammata. Akkasumas Gaaffilee fi Deebiwwan hojjettooni affeerraa hojiitti deebi'uu fudhatanii fi adeemsa hoji-dhabdummaa abuuran gargaaran ni argattu.

## Fuula kana irra:

- **Odeeffannoo waa'ee hojii diduu hojjettootaf**
- **Gaaffii fi Deebii hojjettootaf**

## Odeeffannoo hojjettootaf

Hojiitti akka deebitan waamamtanii deebi'uu hin dandeenyee?

Isin gargaarudhaaf as jirra.

Bala kana dura agarree hin beekne kana keessatti, karaan hojiitti deebi'uu namoota baay'edhaaf salphaa akka hin taane beekna. Yoo yeroo ammaa faayidaalee ESD (Economic Services Division, Kutaa Tajaajiloota Diinagdee) fudhachaa jiraattanii fi yommuu hojiitti akka deebitan waamamtanii (hojii duraa irraayis ta'ee hojii haaraa irraa) hojiitti deebi'uu hin dandeenye, maal gochuu akka qabdan beekudhadhaa isin gargaaruf as jirra.

Yoo affeerraa hojiitti deebi'uu sababa kamiinuu diddan, dirqama iyyata faayidaalee hoji-dhabdummaa torbee galchuu gabaasuu akka qabdan beekun barbaachisaadha. Kana erga jennee booda, yoo hojiitti deebi'uu diduudhaf "sababa quubsaa" kan jedhamu qabaattan, faayidaalen ammallee isiniif jiru.

## Sababoota quubsaa hojii diduudhaf

Yoo kaffaltii yeroo weeraraatif hojii teeledhaan hojjechuu hin dandeenye, hojii diduudhaf sababoonti quubsan kan hammatan:

- [Akkaataa Giddugaloota Ameerikaa Too'anna fi Ittisa Dhibeetin \(U.S. Centers for Disease Control and Prevention, CDC\)](#) ibsametti, dhibeewwan COVID-19 dhan walqabataniif balaa saaxilamuu olaanaa irraachuu.
- Maatii namni balaa saaxilamuu olaanaa qabu keessaa jiraatu keessa jiraachuu.
- Nama balaa saaxilamuu olaanaa qabuuf kunuunsa godhuu.

- Iddoo hojii qajeelfamoota Qajeelcha Humna Hojii Ameerikaa (U.S. Department of Labor), [Qajeelcha Humna Hojii fi Induustiriwwan Isteetii Washington \(Washington State Department of Labor and Industries\)](#), yookan [Qajeelcha Fayya Washingtoniin \(Washington Department of Health\)](#) maxxanfaman hin hordofnetti akka hojjettan yoo gaafatamtan.
- Sababa COVID-19 kallattiidhan manni barumsaa yookan oolman daa'immanii waan cufameef, daa'ima maatii keessan mana ooluf kunuunsa kennuu yoo qabaattan.

**Sababoota armaan gadiitif hojii diduu fi faayidaalee argachuu itti fufuu hin dandeessan:**

- Hojii isiniif kennname irraa kan argattan caalaa hoji-dhabdummaa irraa waan argattaniif.
- Hojii hojjechuu waan hin barbaannef.
- Waa'ee hojiitti deebi'uu kan cinqamtan yoo taatan, garuu hojii diduudhaf sababa fudhatamaa biraan hin yoo qabanne.

### **Yoo dhugaadhan deebii hin kennine maaltu ta'a?**

Yoo iyyata torbee keessan irratti amanamummaadhan deebii hin kennine, sana booda akkaawuntii guutun battalatti murtii keessa ta'a. Sana jechuun faayidaalee argachuudhaf gahumsa kan qabdan ta'uu murteessudhaaf, iyyata keessan irraa dhimmoota gamaggamamuu qaban tokko yookan isaa ol qabdu jechuudha.

Yeroo hojiidhaf kan hin argamne taatan, hojjechuu hin dandeenye, hojiin isiniif kennnamee fi/ykn torbee sana galiiwan guutuu isiniif kaffalame, iyyata torbee keessan irratti deebii dhugaa kennun barbaachisaadha.

Seerota cabsuun kan akka beekatii hojii fi galiiwan, yookan sababa hojii keessan dhiisuu sirrii gabaasuu dhiisuu, faayidaalee dhabsiisuu akkasumas kaffaltii darbaadhan fudhattan fi adabbiowan nuti isin irraa fudhannu geessisuu danda'a. Gochaawan akkasii yakkaan gaafatamuu geessisuu illee mala.

### **Dharaan deebii kennun akka gochaa gowwoomsutti fudhatama.**

Yoo beekatii odeeffannoo dhoksitan – hojii diduu dabalatee – kuni akka yakka gowwoomsutti fudhatama, akkasumas faayidaalee dhorkamuu fi adabbii dabalaatifi qoratamuu maltu.

## **Gaaffilee fi deebiwwan hojjettootaf**

Gaaffilee hojjettootaa irra deddeebi'amani gaafataman kanneen dubbisuudhan waa'ee hojii diduu fi hoji-dhabdummaadhaf ulaagaa guutuu dabala baradhaa.

Yoo sababa kamiinuu affeerraa hojii diddan, iyyata torbee keessan irratti dirqama siritti gabaasuu qabdu. Hojii diduudhaf yoo sababa quubsaa qabaattan faayidaalee keessan ni dhabdu jechuun miti, garuu tarkaanfilee dabalaataa muraasa fudhachuu qabdu jechuudha akkasumas nutis isin hordofna.

**Akkaataa Seera CARES (Coronavirus Aid, Relief, and Economic Security [Deeggarsa Vaayirasii Korona, Gargaarsa Bu'uura, fi Wabii Diinagdeetti]), garaagarrummaan hoji-dhabdummaan yeroo hundaa fi faayidaalee dheereffaman gidduu jiru maali?**

**Hoji-dhabdummaa yeroo hundaa:** Faayidaalee torbee hoji-dhabdummaa yeroo hundaa kan yeroo sababa dogongora keessan hin taanen hojii keessan dhabdan galii yeroo gabaabaa isiniif kenuudha. Hoji-dhabdummaa yeroo hundaatif gahumsa qabaachudhaaf, hojii mijataa isiniif dhihaate hojjechuu danda'uu fi hojii irratti argamuu qabdu. Yoo sababa quubsadhaan ala yookan kaffaltiin hoji-dhabdummaa irraa argattan kan hojii keessan yeroo hundaa irraa argattan waan caaluf hojiitti deebi'uu diddan, faayidaalen keessan ni dhorkamu.

**Faayidaalee dheereffaman:** Deeggarsi Hoji-dhabdummaa Yeroo Weeraraa (Pandemic Unemployment Assistance, PUA) sagantaa deeggarsa addaa namoota yeroo weerara COVID-19 hoji-dhabdummaa yeroo hundaatif gahumsa hin qabaanne, kan namoota ofiin-of qacaran, kontiraaktaroota of-danda'an, hojjettoota yeroo boqonnaa hojjetan (kan sa'aatiwwan 680 gadi qaban) fi isaan biroo COVID-19 dhan miidhaman dabalatan garagaarudha. Caalatti baruudhaf [gahumsa mirkaneessaa keenya](#) (Ingiliffaan) fayyadamaa.

**Qacaraan kiyya daldalaaf lammata banamee akkan hojiitti deebi'u na gaafate. Yoo dide, ammallee hoji-dhabdummaa argachuu nan danda'aa?**

Gahumsi faayidaalee hoji-dhabdummaa dhimma-dhimmaan ilaalamta. Yoo hojii isiniif dhihaate diddan, faayidaalee hoji-dhabdummaatif gahumsa qabaachuu itti fufuudhaf "sababa quubsa" qabaachuu keessan adda baasuu nu barbaachisa.

Yoo kaffaltii yeroo weeraraatif hojii teeledhaan hojjechuu hin dandeenye, hojii diduudhaf "sababoonni quubsan" kan hammatan:

- [Akkaataa Giddugaloota Ameerikaa Too'annaa fi Ittisa Dhibeetin](#) ibsametti, dhibeewwan COVID-19 dhan walqabataniif balaa saaxilamuu olaanaa irra jiraachuu.
- Maatii namni balaa saaxilamuu olaanaa qabu keessaa jiraatu keessa jiraachuu
- Nama balaa saaxilamuu olaanaa qabuuf kunuunsa godhuu
- Iddoo hojii qajeelfamoota Qajeelcha Humna Hojii Ameerikaa, [Qajeelcha Humna Hojii fi Induustiriwwan Isteetii Washington, yookan Qajeelcha Fayaa Washingtoniin](#) maxxfaman hin hordofnetti akka hojjettan yoo gaafatamtan.

Yoo yeroo COVID-19 hojiitti deebi'uu akka hin dandeenye sababoota biroo qabaattan, faayidaalee dheereffamaniif gahumsa qabaachuu malthu (gaaffii kanaa gadii ilaala).

**Qacaraan kiyya daldalaaf banaadha, hojiitti akkan deebi'u affeerrameen hojiitti hin deebine, anis faayidaalee hoji-dhabdummaa isteetii dhorkameen jira. Deeggarsa Hoji-dhabdummaa Yeroo Weeraraa (PUA) dhaf gahumsa nan qabaadhaa?**

Yoo sababa hojiidhaf hin argamneef faayidaalee hoji-dhabdummaa yeroo hundaa dhorkamtanii, garuu sababni isin hojiihdaf hin argamneef sababa COVID-19 dhan kallattiidhan miidhamtanii ta'e, PUA dhaf gahmsa qabaachuu malthu. Fakkeenyaf:

- Sababa COVID-19 dhan kallattiidhan manni barumsaa yookan oolman daa'immanii waan cufameef, daa'ima maatii keessan mana ooluf kunuunsa kennuu yoo qabaattan.
- Yoo COVID-19 akka qabdan qorannoodhan beekame yookan mallattoolee COVID-19 qabaachaa jiraattanii fi qorannoo yaala fayyaa barbaadaa kan jiraattan ta'e.
- Miseensi maatii keessanii COVID-19 akka qabu qorannoodhan beekame.
- Yoo sababa hatattama fayyaa-hawaasaa COVID-19 dhan adda-baasamuun waan isin irra kaa'ameef hojiitti deebi'u hin dandeenye.

PUA dhaf gahumsa qabaachuu maluu keessan ilaaludhaaf [gahumsa mirkaneessaa keenya](#) (Ingiliffaan) fayyadamaa. Yoo hojii diduudhaf sababni quubsan turraan, ammallee iyyata PUA keessan irratti hojii diduudhaf deebii kennuu qabna.

**Faayidaalee torbee hoji-dhabdummaa fudhachaan jira. Qacaraan kiyya hojiitti akkan deebi'u na gaafatee jira. Gaaffii kana na dide. Faayidaalee hoji-dhabdummaa yookan PUA fudhachuu itti fufuu nan danda'aa?**

Yoo iyyaannawan torbee galfachuu itti fuftan, yommuu faayidaalee hoji-dhabdummaatif yookan PUA dhaf gahumsa qabaachuu itti fufuu keessan murteessinutti, faayidaalee torbee haala irratti hundaa'udhaan kaffaluu itti ni fufna. Yoo booda irra faayidaalee fudhattaniif gahumsa kan hin qabne ta'uun keessan murtaa'e, sana booda faayidaalee isin gahumsa itti hin qabaanne kamiyyuu deebisnee isin irraa funaanna. Akkasumas diddaa faayidaalee hoji-dhabdummaa ol-iyyachuu dandeessu.

**Hojiidhaf argamuu danda'uu yookan argamuu, hojii dhihaate diduu, yookan galiiwan fudhachuu dabalatee, bu'aan iyyata torbee kiyya irratti dhugaadhan deebii kennuu dhiisuu kiyyaa maalidha?**

Odeeffannoo iyyata torbee keessan irra jiran hunda dhugaadhan gabaasuu qabdu. Yoo beekatii:

- hojii yookan galiiwan keessan
- sababa hojii irraa adda itti baatan
- yoo hojii kamiyyuu diddan siritti gabaasuu dhabdan, akka yakka gowwoomsutti fudhatamuu danda'a.

Sunis faayidaalee dhorkisiisuu, deebistanii akka kaffaltan gochuu, adabbiwwanii fi yakkaan akka gaafatamtan geessisuu danda'a.

**Akka hojii mijataatti kan fudhatamu maali?**

Yommuu faayidaalee hoji-dhabdummaa gaafattanitti, dirqama battalatti hojii mijataa kennamuu malu hojjechuu danda'uu, hojiidhaf argamuu fi qophii ta'uun qabdu.

"Hojii mijataan" hojii leenjii, muuxannoo fi barumsa keessan duraanii waliin wal gituudha. Yeroo hojiin isinii kenname, kan of gaafachuu qabdan:

- Hojicha hojjechuudhaf muuxannoo nan qabaa?

- Hojicha hojjechuu danda'uudhaf leenji'uun qabaa?
- Hojicha hojjechuu danda'uudhaf barumsa dabalataa qabaachun qabaa?
- Hojiiakkanaa duraan hojjedhee beekaa?

### **Yoon hojii dhihaate dide maaltu ta'a?**

Iyyataan hojii dhihaatef diduudhan faayidaalee hoji-dhabdummaadhaf iyyataa jiru, diddaa hojii yeroo adeemsa iyyanna torbee nuuf gabaasuu qaba. Yoo akka hojii diddan qajeelchatti gabaastan, mala qunnamtii filattaniin (xalayaa yookan iimeelii eServices wabii qabuun) gaafilee ni fudhattu. Fakkeenyonni muraasni gaaffilee gaafatamtanii:

- Sababni hojii isinii kennname itti diddaniif maal ture?
- Guyyaan hojiin isiniif itti dhihaate yoom ture?
- Dhiheessin hojii mala kamiin godhamee ture? (bilbilaan, iimeelidhaan yookan xalayaadhan)
- Gosa hojii dhihaatef gahumsa qabduu?

### **Maaltu akka sababa quubsatti fudhatama?**

"Sababni quubsan" hojii kennname diduudhaf sababa ta'u, yommuu hojiin mijataa hin taanedha. Yoo hojiin mijataadha jedhamee fudhatame, "sababni quubsan" qophaa'uu danda'u yoo iyyataan hojii kennnameef diduudhaf sababa dhuunfaa fi cimaa qabaate. Fakkeenyaf:

- Iyyattooni umurii 65 fi isaa ol ta'an yookan hojiitti deebi'uun fayyaa isaanii balaadhaf waan isaan saaxiluuf, [Giddugala Too'annaa fi Ittisa Dhibee \(CDC\)](#) balaa saaxilamuu olaanaa qabu jedhamanii fudhataman,
- Iyyattooni nama balaa saaxilamuu olaanaa qabu waliin jiraatan yookan miseensa maatii balaa saaxilamuu olaanaa qabu kunuunsan. Hojiitti deebi'uun fayyaa miseensa maatii isaanii balaadhaf saaxiluun danda'a.
- Iddoon hojii nagaa qabeessa miti.
- Namni hojiitti deebi'uudhaf kumuunsi daa'ima hin jiru. Kuni sababa Deeggarsa Hoji-dhabdummaa Weeraraa (PUA) fudhachuudhaf sababa ta'uu mala.

Hojiidhaf argamuu iyyataa diddaa hojii irraa addtti ilaalla. Iyyattooni hojii *mijataa* fudhachuudhaf kan danda'anii fi kan argaman ta'uu qabu.

### **Iddoon hojii mijataa yoo ta'uu dhabe hoo?**

Iddoo hojii mijataa godhuudhaf, qacartoonni Washington dirqama ulaagaalee fi qajeelfama [Giddugala Too'annaa fi Ittisa Dhibee \(CDC\)](#), [Qajeelcha Humna Hojii fi Induustiriwwanii](#) akkumas [Qajeelcha Fayyaa Isteetii Washington](#) hordofuu qabu.

Namni dhuunfaa kamiyyuu mirga yaaddowwan nageenyummaa kamiyyuu qacaraa isaanii fi Qajeelcha Humna Hojii fi Induustiriwwaniitti gabaasu qaba. Gabaasonni kуннеен sarara interneetii gubbaadhan maqaa osoo hin eerin yookan bilbilaan raawwatamuu danda'u.

Yoo iyataan sababa *Yaaddoo Nageenyummaa Iddoo Hojin* hojii dhihaatef dide, hojii mijataa ta'uu fi dhabuu isaa murteessuf, qajeelchichi haalonni iddoon hojii nagaa qabeessa ta'uu fi dhabuu isaanii ni qorata. Kuni qajeelfama COVID-19 dabalatee ulaagaalee qacatoonni yeroo daldala isaanii deebisanii banan hordofan irratti hundaa'a.

Yoo qacaraan iddoo hojii mijataa seeraa fi qajeelfama isteetidhaan fi/ykn federaalatiin ajajamu dhiheessudhaaf fedhii hin qabaanne yookan hin dandeenye, hojiin mijataadha jedhamee **hin fudhatamu**. Qacatoonni dirqama iddoowwan hojii mijataa fi seerotaa fi qajeelfamoota nageenya iddoo hojii fudhatama qabuu kan guutan ta'uu mirkaneessuu qabu.

Iyyataan tokko, qacaraan iddoo hojii mijataa kan hordofuu fi kan godhu ta'uu isaa beekamu illee, ammallee faayidaalee hoji-dhabdummaatif ulaagaa kan guutu ta'ee argamu mala. Haa ta'u malee, iyyattoonni yeroo hojii didan iddoon hojii mijataa akka hin taane amansiisudhaaf sababa quubsaa qabaachuu qabu.

Yoo iyataan hojii kennameef sababa iddoon hojii mijataa hin taanef akka dide gabaase, haqa barbaadun dabalataa ni barbaachisa. Bakka bu'aan giddugala iyyanna gaaffilee armaan gadii gaafachuuf namoota ni hordofa:

- Qacatoonni ulaagaalee isteetii fi/ykn federaalaa nageenya iddoo hojii walumaagalatti fi/ykn COVID-19 walqabatuu eeguu akkamitti hin hordofne?
- Iyyataan qajeelfamoota fayyaa fi nageenya iddoo hojii hordofuu dhabuu gabaasee turee?
- Iyyataan waa'ee hojmaata nageenya iddoo hojii qacaraa waliin haasa'ee turee?
- Hojjettooni biroo yaaddoo nageenya iddoo hojii deeggaruu malan jiruu?

Yommuu adda baasnu, ibsoota kennaman irratti odeeffannoo isaanii argachuudhaf qacaraa gaaffii keessa jirus ni qunnamna. Odeeffannoowwan iyyattootaa fi qacartoota irraa fudhataman, akkasumas qajeelfamoonni nageenya isteetii fi federaalaa ilaalcha keessa ni galu.

Gahumsi dhimma-dhimmaan murtaa'a. Namoonni faayidaalee hoji-dhabdummaa yookan Deeggarsa Hoji-dhabdummaa Weeraraa (PUA) fudhachuu itti fufuuf, hojii dhihaatef diduu isaanitiif sababa quubsaa qabaachuu isaanii agarsiisuu qabu.

### **Yoon ani balaa COVID-19 dhaf saaxilamuu olaanaa qabaadhe hoo?**

Yoo hojii teeledhaan hojjechuu hin dandeenyee fi umurii 65 ol taatan yookan balaa COVID-19 dhaf saaxilamuu olaanaa qabaattan, yookan nama **balaa saaxilamuu olaanaa qabu** waliin maatii tokko keessa jiraattan yookan miseensa maatii balaa saaxilamuu olaanaa qabuuf kunuunsa kallattii kennaajiraattan yookan yoo hojii diddan, faayidaalee hoji-dhabdummaadhaf gahumsa qabaachuu itti fufuuf maltu.

### **Yoo daa'ima kunuunsun narra jiraate hoo?**

Yoo faayidaalee hoji-dhabdummaa yeroo hundaa fudhachaa jiraattan, garuu sababa COVID-19 kunuunsi daa'ima waan hin jirreef hojiitti deebi'uu hin dandeenye ta'e, akka sababa hojii dhihaate diduutti gabaasuu qabdu. Hojiidhaf argamuu danda'uun keessanis ni qoratama. Yoo faayidaalee hoji-dhabdummaa yeroo hundaa dhorkamtan, Deeggarsa Hoji-dhabdummaa Weeraraadhaf (PUA) iyyata galfachuu fi argachuu dandeessu.

Yoo daa'imni yookan miseensi maatii inni biraan isin dirqama kunuunsuu qabdaniif, sababa hatattama fayyaa hawaasaa COVID-19 tin kallattiidhan cufameef mana barumsaa yookan dhaabbata biraan deemuu waan hin dandeenyef fi hojii manaa ala jiru hojjechuudhaf mana barumsaa yookan dhaabbata akkasii isin barbaachise, hojii diduudhaf fi PUA argachuudhaf sababa quubsaa qabaachuu maltu.

### **Faayidaalee hoji-dhabdummaa yeroo hundaa yoon dhorkame hoo, Deeggarsa Hoji-dhabdummaa Weeraraa (PUA) fudhachuu nan danda'aa?**

Yoo sababa hojiidhaf hin argamneef faayidaalee hoji-dhabdummaa yeroo hundaa dhorkamtanii, garuu sababni isin hojiihdaf hin argamneef sababa COVID-19 dhan kallattiidhan miidhamtanii ta'e, PUA dhaf gahmsa qabaachuu maltu. Fakkeenyaf:

- Sababa COVID-19 dhan kallattiidhan manni barumsaa yookan oolman daa'immanii waan cufameef, daa'ima maatii keessan mana ooluf kunuunsa kennuu yoo qabaattan.
- Yoo COVID-19 akka qabdan qorannoodhan beekame yookan mallattoolee COVID-19 qabaachaa jiraattanii fi qorannoo yaala fayyaa barbaadaa jiraattan.
- Miseensi maatii keessanii COVID-19 akka qabu qoratamee yoo jiraate.
- Yoo sababa kallattii hatattama fayyaa-hawaasaa COVID-19 dhan adda-baasamuun isteetidhaan yookan bulchiinsa magaalatiin waan isin irra kaa'ameef hojiitti deebi'uu hin dandeenye.

PUA dhaf gahumsa qabaachuu maluu keessan ilaaludhaaf [gahumsa mirkaneessaa keenya](#) (Ingiliffaan) fayyadamaa.

### **Yeroo sababni kiyya ani hojii itti dide ilaalamaa jirutti kaffaltii nan argadhaa?**

Yoo faayidaalee torbee fudhachaa jiraattanii fi hojii diduu gabaastan, gaaffii haqa barbaaduu isiniif ergina. Yoo iyyaannawwan torbee galfachuu itti fuftan, yommuu faayidaalee hoji-dhabdummaatif yookan Deeggarsa Hoji-dhabdummaa Weeraraa (PUA) dhaf gahumsa qabaachuu itti fufuu keessan murteessinutti, faayidaalee torbee haala irratti hundaa'udhaan kaffaluu itti ni fufna. Yoo booda irra faayidaalee fudhattaniif gahumsa kan hin qabne ta'uun keessan murtaa'e, sana booda faayidaalee gahumsa hin qabaanne sanneen deebisnee isin irraa funaanna. Akkasumas diddaa faayidaalee hoji-dhabdummaa ol-iyyachuu dandeessu.

## Faayidaalee dhorkuu akkamittan oliyyadha?

Yoo isin yookan qacaraan duraanii murtii nuti faayidaalee hoji-dhabdummaa keessan ilaachisee dabarsine irratti itti walii hin galle, mirga oliyyachuu qabdu. Guyyaa nuti murtii keenya isinii ergine irraa kaasee guyyoota 30 keessatti oliyyannoo galfachuu qabdu. Oliyyannoo sarara interneetii irraan, yookan xalayaadhan yookan faaksidhaan galfachuu dandeessu. Oliyyannoowan bilbilaan yookan iimeelidhaan hin fudhannu. Oliyyannoonaan keessan barreeffamaan ta'uu qaba akkasumas kanneen armaan gadii qabaachuu qaba:

- Murtii oliyyannoo irratti galfattan.
- Guyyaa murtichaa.
- Sababa murticha irratti itti walii hin galleef.
- Maqaa keessan.
- Lakkoofsa wabii hawaasummaa keessan.
- Teessoo fi lakkoofsa bilbilaa keessan yeroo ammaa.
- Galmeewan murtii dabarsuu keessatti ilaalcha keessa galuu qabu jettan kamyuu.
- Ragaa baatota yeroo dhaddacha dhageettii keessan akka argaman barbaaddan.
- Yoo nama afaan hiiku barbaaddan, afaan kam akka fayyadamtan (kuni afaan hiikaa Afaan Mallattoo Ameerikaa)
- Yoo oliyyannoonaan keessan ture, sababa itti ture ibsaa.
- Mallattoo keessan.

Sarara interneetii irratti:

<https://secure.esd.wa.gov/home/> (Ingiliffaan)

Xalayaa:

**Claims Center Appeals**

P.O. Box 19018

Olympia, WA 98507-0018

Fax:

800-301-1795

*Qajeelchi Wabii Qacarrii (Employment Security Department) qacaraa/sagantoota carraa wal qixaa kennuu dha. Namoota hir'inoota qaamaa qabaniif, yoo gaafatan deeggarsoonni fi tajaajiloonni dabalataa jiru. Tajaajiloonni deeggarsa afaanii namoota afaan Ingiliffaa siritti hin dandeenyef kaffaltii irraa bilisa kennamu. Tajaajila Bilbilaa Namoota Hir'ina Dhageettii Qabani Washington: 711*